

Organizacije uključene u PLIP objavile najnovije statističke podatke

Organizacije uključene u Plan za provedbu imovinskih zakona (OHR, OSCE, UNHCR, UNMIBH i CRPC) danas su objavile da je, od kraja marta 2002. godine, ukupna stopa provedbe imovinskih zakona u BiH porasla na 46%.

U Federaciji je riješeno 51% predmeta; u RS je riješeno 38% predmeta, a u Brčkom je riješeno 47% predmeta. Drugim riječima, od 141.229 domaćinstava koji su podnijeli zahtjev za povrat imovine u Federaciji, 72.379 njih se vratilo u posjed imovine, a od 107.516 podnesenih zahtjeva u RS je riješeno 41.245. Od 6.867 zahtjeva podnesenih u Distriktu Brčko vraćanjem u posjed riješeno je 3.257 predmeta. U posjed svoje imovine se vratilo ukupno 116.881 domaćinstava od 255.612 koji su podnijeli zahtjev.

Do naglog porasta u stopi povrata imovine u RS, sa 34% tokom proteklog mjeseca na 38% ovog mjeseca, od ukupnog broja podnesenih zahtjeva, uglavnom je došlo zbog izuzeća zahtjeva koji su podneseni za povrat devastirane imovine, u nekoliko općina RS.